

24.11.2020

UKA2020/54

Atuarfik pillugu inatsisip atuuttup allanngortinneqarnissaanut, taamalu meeqqat atuarfianni tamani isumaginninnermut siunnersortimik imaluunniit inummik isumalluutigineqarsinnaasumik minnerpaamik ataatsimik atorfinitsisoqartarlernissaa anguniarlugu siunnersuusiornissaamut Naalakkersuisut peqquneqarnissaannik Inatsisartut aalajangiiffigisassaattut siunnersuut. Meeqqat pisariaqartitsisut atuarfimmuut tunngassuteqanngitsunik ajornartorsiutigisinnaasamin-nik oqaasinngortitsinissamut, ikiorneqarnissamullu periarfissinneqarnissaat atorfinitsitsinerup qulakkiissavaa.
(Inatsisartuni ilaasortaq Nivi Olsen, Demokraatit)

Demokraatit sinnerlugit Inatsisartuni ilaasortaq Nivi Olsen siunnersuutaanut qujalluta Siumumiik imaattumik oqaaseqaateqassaagut.

Meerartatta tamarmik pitsaasumik atugaqarnissaat kissaatigisarparput atuarfitaliaallu pitsanngorsartuarnissaa tamatta kissaatigalutigu. Tamattali pitsanngorsaaniaraluartilluta ajoraluartumik sapangittakkagut amerlaqaat. Ajornartorsiutit ilaqtariit namminneq iluiniit aallaaveqakkajuttarput meeqqanullu tuttarlutik.

Nunarsuarmioqatitsinnut sanilluutissagutta nunatsinni imminut toquttartut amerlasoorujussuupput peqqutaalluinnartulli ilagivaat kinguaassiuutitigut atonerluinerit qaffasinnerujussuat aamma persuttaanerit il. il. Amerlanerpaatigut imigassamik ikiaroonartumillu atonerluinerit peqqutaakkajuttut ilisimavagut.

Ullumikkut Meeqqat illersuisoqalernikuuvugut saniatigullu Ombudsmandeqarluta taakkua nalunaarusiaat qiviraanni kommunini tamani pisortat sullissineri annertuumik isornartorsiorneqartarput suliassaqarpugullu annertuunik uagut qinikkat sunneeqaataaffigisinnaasatsinnik.

Ukioq manna ilinniartitaanermut ataatsimiititaliaq nunatta ilaani angalammatt pissusiviusunik ilungersunartunik ilinniartitsisunik aammalu meeqqerivinni sulisunik oqaluttuunneqarpugut, tassani takuarput nukittorsaasoqartariaqavissoq kommunip pissakitsuunera pissaqarneruneraluunniit apeqqutaatinnagu, taamaammatt Siumumiik siunnersuuteqartoq isumaqatigaarput ilinniarsimasunik ilinniartitsisut saniatigut meeqqatta saaffissaqartuaannarnissaat atuarfinni tamani qulakkeertariaqarparput.

Siumumiik taamatut oqaaseqarluta Naalakkersuisut allannguutissatut siunnersuutaat paasisinnaalluarparput tassalu nunaqarfinni illoqarfinnilu tamani iliuuseqarnissaq qulakkeerneqassasoq aammalu kommunit suleqatigalugit inatsimmik atuuttumik allanngortitsinissamik suliqaqassasugut.

Siumumiik taamatut oqaaseqarluta siunnersuut aappassaanneerneqartinnagu ataatsimiititaliami susasaqartumi sularineqarnissaa innersuupparput.

Ilinniarsimasunik sulisussaaleqineq pissutaasinnaavoq aammali kommunit akissaaleqinerat pissutaqaatasinnaalluni.

Doris J. Jensen